

**PROBAS DE AVALIACIÓN DO BACHARELATO PARA O ACCESO Á
UNIVERSIDADE**

MATERIA “GREGO II” (cód. 32) Curso 2023-2024

Estimados profesores:

Tal como está publicado na páxina web da CIUG, na ABAU de 2024 os currículos estarán determinados, salvo instrución noutro sentido, pola Lei de Educación 3/2020, de 29 de decembro, pola que se modifica a Lei Orgánica 2/2006, de 3 de maio de Educación (LOMLOE), así como polo Real Decreto 423/2022, de 5 de abril, polo que se establecen a ordenación e as ensinanzas mínimas de bacharelato e o Decreto 157/2022, de 15 de setembro, polo que se establecen a ordenación e o currículo de bacharelato na Comunidade Autónoma de Galicia (DOG do 26 de setembro de 2022). Na actualidade estanse a recibir numerosas consultas sobre o formato das probas e as materias que entrarán nas probas de 2024, pero esas consultas non poden ser resoltas en tanto o Ministerio non publique o correspondente Real Decreto que aclare todo o proceso. Manteranse informados os centros, estudantes e familias das novidades que poida haber, e lémbrese que os pasos na planificación son Ministerio, Xunta de Galicia e Universidades.

Así pois, á espera das instrucións que poidan ser ditadas ao respecto e tendo en conta que están anunciados cambios nas PAU para cursos próximos, de forma provisional parece oportuno propoñer para o curso 2023-2024 manter para a materia GREGO II o programa de contidos e os criterios de valoración utilizados no curso anterior, posto que responden ao currículo establecido na normativa antes mencionada. As Antoloxías de Xenofonte e Apolodoro, así como o listado de helenismos son os mesmos.

Mantense tamén a estrutura do exame, sempre e cando as autoridades competentes non diten novas instrucións. De ser o caso comunicaríase inmediatamente.

Quedo á vosa disposición. Un saúdo cordial

Santiago de Compostela, outubro de 2023

M^a Teresa Amado Rodríguez

Directora do grupo de traballo